

ილია მეორე - ვინც მოიპოვებს ღვთის მადლს, ის მოიპოვებს სიყვარულსა და სიხარულს



ვინც მოიპოვებს ღვთის მადლს, ის მოიპოვებს სიყვარულსა და სიხარულს, – ამის შესახებ სრულიად საქართველოს პატრიარქმა, ილია მეორემ განაცხადა.

ილია მეორემ სამების საკათედრო ტაძარში შეკრებილებს ქადაგებით მიმართა.

„ძალიან ხშირად ტაძარში, ლოცვების დროს ისმის სიტყვები – „შეგვენიენ და გვაცხოვნენ, შეგვიწყალენ და დაგვლოცენ ჩვენ ღმერთო შენითა მადლითა“. მე მახსენდება ჩემი სემინარიაში და აკადემიაში სწავლის პერიოდი. რექტორი გვასწავლიდა, რომ როცა ხარ ტაძარში და ისმენ ამ ლოცვას „შეგვენიენ და გვაცხოვნენ, შეგვიწყალენ და დაგვიცვენ ღმერთო მადლითა შენითა“, აუცილებლად პირჯვარი უნდა დაიწეროთო, რათა შეგეხოს მადლი ღვთისაგან გამოსული. ბოლომდე ადამიანი ვერ ახსნის, რა არის ეს, მაგრამ ის კი ვიცით, რომ ღვთისაგან გამოსულია. როცა ეკურთხება დიაკონი, მღვდელი ან ეპისკოპოსი, იქ ამბობს პატრიარქი „მადლი ღვთისა უძღურთა მკურნალი და ნაკლულებათა აღმავსებელი“. ე.ი ჩვენი უძღურების მკურნალია მადლი ღვთისა და ნათლის აღმავსებელი.

ეს არის დიდი ძალა, რომელიც აუცილებელია ყოველი ადამიანისთვის. ჩვენ გულში უნდა გვქონდეს ეს მადლი, სულში უნდა გვქონდეს, გონებაში უნდა გვქონდეს.

მახსენდება ერთი ებრაელი მოხუცებული კაცი, რომელიც ამბობდა, თუ შენ დაკარგე სიმდიდრე, შენ არაფერი არ დაგიკარგავსო, თუ შენ დაკარგე ჯანმრთელობა, შეიძლება შენ ცოცხალი დარჩე, მაგრამ იყო ავადმყოფიო, მაგრამ თუ შენ დაკარგე მადლი ღვთისა ყველაფერი დაკარგულია. ღმერთმა დაგვიფაროს, ღმერთმა ინებოს, რომ არ დაკარგონ მადლი ღვთისა.

დალოცვილი იყავით, გახარებული იყავით. ვინც მოიპოვებს მადლსა ღვთისასა, ის მოიპოვებს სიყვარულს, სიხარულსა. ასე ერთმანეთზე დამოკიდებულია ყველაფერი სულიერი ცხოვრება",- განაცხადა პატრიარქმა.

```
<span data-mce-type="bookmark" style="display: inline-block; width: 0px; overflow: hidden; line-height: 0;" class="mce_SELRES_start"></span>
```

- 1tv.ge